

SCRIPT OF EVENING GOJRI NEWS BULLETIN 5FEB 2025

1700HRS

اوننگ گوجری نیوز بولٹن 5 فروری 2025

یوہ آکاشوانی جموں بے نصرت تے اظہر حسین تیں خبر سُنو۔

HEADLINES

۱۔ وزیر داخلہ امت شاہ نے جموں کشمیر غی حفاظتی صورتہ ہال غو ایک اعلیٰ سطحی میٹنگ مانہہ جانیزو لیو اُنہاں نے کہیو ہے کہ سرکار جموں کشمیر تیں دہشت گردی غا خاتمہ واسطے وعدہ بند ہے۔

۲۔ وزیر اعلیٰ عمر عبداللہ اپنو واحد بجٹ پیش کرن توں پہلاں ممبر قانون سازاں تیں ضلع ترقیاتی کونسلان گا چنیر پرسن نال مشاورت کر رہیا ہیں۔

۳۔ ملک گیر واٹر شیڈ یاترا مانہہ جموں کشمیر نے شمولیت کی ہے دیہی ترقیات غا وزیر جاوید احمد ڈار نے کٹھوعہ تیں اس مہیم غو افتتاح کیو ہے۔

۴۔ مرکز نے دسیو ہے جے پچھلاں ۳ براں مانہہ بردہان منتری گرام سڑک یوجنا غے تحت ۵ ہزار کلو میٹر تو متی سڑک تیار کی گئی ہیں۔

HM SECURITY

وزیر داخلہ امت شاہ نے اج نوی دہلی مانہہ جموں کشمیر غی سیکیورٹی غی صورتحال ور ایک اعلیٰ سطحی میٹنگ غی سدارت کی یوہ اجلاس گزشتہ روز تیں جاری تھو تے اس مانہہ لیفٹیننٹ گورنر منوج سنہا داخلہ سیکرٹری گووند موہن فوج غا چیف جنرل اوپیندر دیودی تے دیگر اعلیٰ افسراں نے شرکت کی۔ اجلاس غے دوران امت شاہ نے کہیو کہ وزیر اعظم نریندر مودی غی قیادت مانہہ حکومت جموں کشمیر تیں دہشت گردی نانہہ مکمل طور ور ختم کرن واسطے پُر عزم ہے۔ اُنہاں نے تمام سیکیورٹی ایجنسیاں نانہہ ہدایت دتی ہے کہ جموں کشمیر تیں دہشت گردی غا خاتمہ واسطے مل غے کم جاری رکھیں۔

SUSPECT APPREHENDED

بھارتی فوج نے جموں کشمیر پولیس غے نال مل غے گزشتہ روز پلوامہ مانہہ ایک مشکوک شخص نانہہ گرفتار کیو۔ ایک سوھ ملن تیں بعد شاہ باد مانہہ ایک چیک پوسٹ لائی گئی جت اس مشتبہ شخص نانہہ گرفتار کیو گیو۔ بھارتی فوج غی چنار کاپس نے دسیو کہ اس مشکوک شخص کولواں جنگی سازوسامان بر آمد ہوو ہے۔ پولیس نے مزید تحقیقات شروع کردتی ہے تانجے ہور زیادہ معلومات حاصل ہو سکے۔

CM MEETING

وزیر اعلیٰ عمر عبداللہ جہیڑا کہ خزانہ غا محکمہ غا وزیر وی ہیں ۳ مارچ تیں شروع ہون آلا اجلاس مانہہ اپنو پہلو بجٹ پیش کرن آلاں ہیں۔ ایک جامع حکمت عملی اپنان واسطے اُنہاں نے قانون سازاں تے جلع ترقیاتی کونسلان غا چیر پرسیس غے نال اُنہاں نے بجٹ تیں پہلاں مشاورت غو آغاز کردتو ہے اج تیں شروع ہون آلی میٹنگان مانہہ اننت ناگ بڈگام کٹھوعہ تیسانبہ ضلاع غا اسمبلی ارکان غے نال گل بات ہو رہی ہے۔ پلک اسی طرح غی مشاورت

بارہمولہ گلگام رام بن تے ادھمپور غا اسمبلی ارکان غے نال کی جے غی۔ ان مشاوراتان غو مقصد ہر حلقہ واسطے ۰۴ کروڑ روپیہ غا مالیت آلا شعبان گا کمان نانہہ ترجیح دینو ہے۔

CM NATIONAL GAMES

وزیر اعلیٰ عمر عبداللہ نے جموں مانہہ جے اینڈ کے وشو ٹیم تیں ملاقات کی تے ۸۳ ویں قومی کھیڈان مانہہ اُن غی شاندار کارکردگی ور مبارک باد تی۔ مردان نے وشو فائنگ مقابلہ مانہہ دوجو مقام حاصل کیو ہے۔ جس مانہہ اُنہاں نے ۲ سونا غا ۱ چاندی غو تے ۴ کانسا غا تمغا جیتیا ہیں۔ وزیر اعلیٰ نے ٹیم غی محنت تے لگن غی تعریف کی۔ اس وفد غی قیادت درونا چاریا اعزاز یافتہ گلدیپ ہانڈو نے کی جنہاں نے خطہ غا کئی اعلیٰ کھیڈاریاں گا مستقبل نانہہ سوارن مانہہ اہم کردار ادا کیو ہے۔

WATERSHED YATRA

واٹر شیڈ یاترہ مہیم ۲۰۲۵ ماہولیاتی تحفظ واسطے ایک اہم قدم ہے۔ بھارت غی زراعت تے دیہی ترقی غ امرکزی وزیر شیو راج سنگھ چوہان نے اس مہیم غو ملک بھر مانہہ آغاز کیو۔ جموں کشمیر مانہہ وی اس مہیم غو آگاز ہوو جت دیہی ترقی تے پنچایتی راج غا وزیر جاوید احمد ڈار نے گورنمنٹ ڈگری کالج بیرہ نگر مانہہ چراغ بال غے اس غو افتتاح کیو۔ جناب دار نے اس گل ور زور دتو کہ ہم نانہہ مل غے قدرتی وسائل غی حفاظت کرنی چاہیے تے پائیدار طریقان نانہہ اپنانو چاہیے۔ تانجے مارو مستقبل سر سبز تے محفوظ ہوسکے۔ اس سلسلہ مانہہ گل کرتا واں وزیر زراعت جاوید احمد ڈار نے اس طرح کہیو۔

PM GSY

مرکز غے زیر انتظام علاقہ جموں کشمیر نے پردھان منتری گرام سڑک یوجنا غے تحت دیہی سڑکاں غی ترقی مانہہ نمایاں پیش رفت کی ہے تے گزشتہ ۳ بہراں مانہہ ۵ ہزار کلو میٹر تو متی سڑک مکمل کی گئی ہیں لوک سیہا مانہہ ایک سوال غ اجواب مانہہ دیہی ترقی غا وزیر مملکت کملیش پاسوان نے دسیو کہ ۲ ہزار ۲۲.۱۲ مانہہ ۲۳ سو ۸۷ کلو میٹر سڑک غی لمبائی مکمل کی گئی تھی۔ سال ۲۰۲۴-۲۵ واسطے ۵ سو ۵۳ کلو میٹر منظور کیو گیو تھو جدکہ ۹ سو ۶۵ کلو میٹر مکمل کیو گیو تھو جہیڑو پورا خطہ مانہہ بنیادی ڈھانچہ نانہہ بہتر بنان واسطے مسلسل اگے بڑھن غو اشارو کرے۔ پردھان منتری گرام سڑک یوجنا واسطے مرکزی فنڈ سال ۲۰۲۴-۲۵ مانہہ ۱ ہزار ۳ سو ۴۰.۷۱ کروڑ تھو جہیڑو جے خطہ گا بنیادی ڈھانچہ نانہہ بہتر بنان تے سڑکاں غی تعمیر بارے پیش رفت مانہہ اہم کردار ادا کرے۔

REGP UDHM

ادھمپور مانہہ نوجوانان نانہہ باختیار بنان تے روز گار نانہہ فروغ دین غی کوشش مانہہ ڈپٹی کمشنر ادھمپور سلونی رائے نے جانکاری دتی ہے کہ ضلع مانہہ دیہہ روز گار پیدا کرن غا پروگرام غے تحت کل ۹۶ معاملات نانہہ منظوری دے دتی گئی ہے۔ اُنہاں نے اس گل ور زور پایو کہ سرکار غو بنیادی مقصد ضلع تو نوجوانان واسطے روز گار غا پائیدار مواقع پیدا کرنا ہیں۔ جہیڑا اُن گا بہتر مستقبل غی تعمیر مانہہ مدد کریں۔ واضع رہ جے یوہ قدم دیہی علاقان کی ترقی تے بنیادی سطح ور اقتصادی ترقی نانہہ فروغ دین واسطے انتظامیہ غا عزم غی عکاسی کرے۔ اس موقع ور گل کرتا واں ڈپٹی کمشنر ادھمپور نے اس طرح کہیو۔

RESHAM KISSAN MELA

ریشم نانہہ فروغ دین تے کساناں نانہہ باختیار بنان غی کوشش مانہہ جموں کشمیر مانہہ ریشم غو محکمو ۸ فروری ۲۰۲۵ نانہہ ضلع ادھمپور مانہہ ریشم کسان میلو منعقد کرے غو۔ اس تقریب غو مقصد ریشن غا کیڑا پالن آلاں تے کساناں نانہہ زراعت مانہہ ہون آلی تازہ ترین پیش رفت بارے بیداری پیدا کرنو ہے اس تقریب مانہہ نمائش لائیو مظاہرو تے ریشم غی پیداوار غی نمائش کرن آلا اسٹالز وین غا تے ماہرین جدید تکنیکاں تے پائیدار طریقاں بارے جانکاری فراہم کریں گا۔ واضع رہ جے ریشم گو محکمو تمام شراکت داراں نانہہ اس معلوماتی تقریب مانہہ شرکت کرن غی دعوت دے۔ اس بار ۱ مہارا نامہ نگار اچین دوبے غی یاہ ایک خاص رپوٹ۔

BAMBOO HANDI CRAFTS

دیہی علاقاں نانہہ باختیار بنان تے اُن غی اقتصادی ترقی واسطے مرکز غے زیر اہتمام سکیم ملک غا مختلف حساں مانہہ نمایاں اثر دس رہی ہیں۔ ریاسی ضلع مانہہ ایسو ہی ایک قدم بانس غی دستکاری نانہہ فروغ دے غے گرایاں غی زندگی نانہہ تبدیل کر رہیو ہے۔ بہتر مندی مانہہ فروغ غا پروگراماں گے زریوے کاریگراں با شمول کالسری تے نوجواناں نانہہ بانس غی روایتی کاریگری غی تربیت دتی جارہی ہے۔ اس مانہہ ٹوکریاں توں لے غے برا سامان تک غی مصنوعات مقامی تے قومی بازاراں مانہہ مقبولیت حاصل کر رہی ہے جہیڑی جے معاش نانہہ بہتر تے ثقافتی ورثہ نانہہ محفوظ کر رہی ہے آکاشوانی نیوز سنگ گل کرتا واں جموں دستکاری غا جائینٹ ڈائریکٹر ممتاز دیوی نے اس طرح کہیو۔

ATMANIRBHAR POULTRY

آتم نربہر بھارت پہل غا ایک حصہ غے طور ور حکومت پورا ملک مانہہ خوشانحصاری تے کاروبار نانہہ فروغ دے رہی ہے۔ یوہ قدم بہت سارا لوکاں نانہہ ایسو روز گار حاصل کرن غی ترغیب دے غو جہیرو لما عرہاں تک چل سکے تے اُس تیں اُن غا علاقہ غی معشیت نانہہ وی فائدو پُجے۔ ایسی ہی ایک کامیابی غی کہانی ادھمپور غا گڈ گراں تیں ہے جت تارق عزیز نے گُکڑی پالن غو کاروبار کھولیو وی ہے۔ یوہ اس کاروبار تیں ایک مستحکم آمدنی پیدا کرے جہیڑی اس غی محنت عزم تے کود انحصاری غی مثال بنے۔ اپنی کہانی دستا واں تارق نے اس طرح کہیو۔

RAMBAN ANIMAL HUSBANDRY

رام بن مانہہ محکمہ مال چوکھر نے دودھ تے مال چوکھر غی پیداوار نانہہ بدھان واسطے مختلف اقدامات کر رہیو ہے۔ جامع زرعی ترقیاتی پروگرام غے تحت محکمہ مال چوکھر ضلع رام بن مانہہ جدید تے پائیدار زرعی طریقاں نانہہ فروغ دین واسطے حکومت غی کوششاں ور عمل کر رہیو ہے۔ ہائیڈروفونکس یعنی بغیر مٹی غے کاشت کرن غو طریقو ہے جس تیں چارہ غی پیداوار بدھن غی متوقع ہے جہیڑی مال چوکھر غی بہتر غذا نانہہ یقینی بناوے تے کساناں غی آمدنی مانہہ اضافو کرے۔ اس واسطے گل منصوبہ غی لاگت ۵ لکھ روپیہ ہے جس مانہہ ڈائی لکھ روپیہ غی امدادی رقم شامل ہے۔ ایسا جدید زرعی طریقاں سنگ پائیدار تے پیداوار بہتر وین غا۔